



Зургадугаар
бүлэг


ЕЛИА



Израилийн хойд хаанчлалын сэнтийд нэгэн нүгэлт хүн гарч ирсэн нь хаан Ахаб байсан юм (МЭӨ 918 он). Ахаб Самари нутагт Зидоны ойролцоо амьдарч байлаа. Тэрээр Баалын тахилч нарын нэгнийх нь охин Иезебелтэй гэрлэжээ.



Иезебел шашин шүтлэгээрээ нэрд гарсан нэгэн байв. Иезебел Израилийн Бурханыг үл тоомсорлож, газар нутагт Баалыг тахин шүтэхийг шаардаж байлаа.



Иавэгийн бүх эш
үзүүлэгчдийг олж
устга. Баал манай
бурхан болно.

Хаанд Обадиа нэртэй
Иавэг хүндлэн мөргөдөг
нэгэн зарц байв.

Бурханы
эш үзүүлэгчдийг олж,
тэдэнд заавал сануулах
хэрэгтэй.

Обадиа зуун эш үзүүлэгчийг агуйд
нуугаад, хоол унд зөөж өгдөг байв.





Елиа гэдэг
Бурханы нэгэн эш
үзүүлэгч л харин
нуугдаж үлдэхийг
хүсээгүй юм.



Хаан Ахаб аа, та өвөг дээдсийнхээ Бурханыг умартаж эхнэр Иезебелээ даган бузар мууг үйлдэж байгаа тул "Намайг дахин тушаахаас нааш Израильд бороо орохгүй, шүүдэр ч буухгүй" гэж Иавэ хэллээ.


Ха, Ха! За за чи тэгэхээр өөрийгөө эш үзүүлэгч гэж байгаа юм биз дээ? Тэгвэл надад мянган эш үзүүлэгч байдаг юм даа. Тэдний хэн нь ч ган гачгийн талаар юм яриагүй шүү. Сүүлийн хэдэн жил хангалттай бороо орсон. Чи муу зальхай шүтлэгтэн одоо замаас зайл.

Ган болж өлсгөлөн улам ширүүсэхэд хүмүүс өлсөж, харангадаж эхлэв. Хуурамч эш үзүүлэгчид Баал уруу орилон хашхиравч Баал юу ч хариулж чадахгүй байлаа. Цаашдаа дусал бороо, дусал сүүдэр ч үгүйгээр ган гачиг үргэлжилжээ. Бурхан Елиаг нэгэн бэлэвсэн эмэгтэйн гэр уруу явуулж өөрийг нь гэртээ байлган ган дуустал хооллож, ундал гэж хэл гэжээ.



Чи
надад ус
өгч, идэх
жаахан талх
авчирж
өгөөч.

Танд үнэнээ хэлэхэд одоо надад хоёр жижигхэн талх хийх л гурил үлдсэн. Би түүгээрээ өөртөө болон хүүхдээ талх барьж идчихээд хэвтээд үхье дээ гэж бодож байлаа. Найдвар ч тасарлаа. Бурхан биднийг нүглээс маань болоод шийтгэж байна.




Бүү ай. Бурхан
чамайг харж
хандана аа.

Чи яриад байсан талхаа
бариад эхлээд надад авчирж өг.
Дараа нь л чи хүүтэйгээ идэж болно.
Израилийн Бурхан Иавэ ингэж хэллээ.
"Израильд Бурхан бороо оруултал
гурилтай хул аяга, тостой сав
чинь хоосрохгүй".

Үнэхээр үнэн
байна. Хул аяганд
маань гурил, саванд
маань тос үлдсэн
байна шүү!






Бүгдийг
нь дуустал гаргаж
чадахгүй юм байна!
Тасрахгүй гоожоод
л байна.


Энэ бол
ёстой гайхамшиг!
Бурхан үнэхээр
сайн юм аа.

Дараагийн хоёр жил нь тэр
гурав ганц хул аяга гурилаар
хооллосоор л байлаа.

Нэгэн өдөр Елиа мөнөөх
эмэгтэйн гэр дэх өрөөндөө
иртэл хүү нь үхсэн байхыг үзэв.



Хүү маань
халуурч байгаад
өнгөрчихлөө!



Би таныг яаж гомдоосон юм бэ? Бурхан хүүг минь хороох шалтгаан болсон нүглүүдийг минь та сануулан тоочихоор ирээ юү?


Израильд
Бурхан байгаа
хэвээрээ шүү.

Иавэ Эзэн минь ээ,
энэ хүүгийн сүнсийг
биенд нь буцаан
оруулаач.





Бурхан Елиагийн
залбирлыг сонсоод,
хүүгийн сүнсийг амьгүй
болсон биенд нь буцаан
оруулжээ.




Абрахам, Исаак,
Иаковын Бурхан
Эзэн минь ээ, Тандаа
баярлалаа. Та
л ганцаараа Бурхан.

Би Израильд
Бурхан байгаа
гэж хэлсэн
биз дээ.

Миний хүү!

Өлсгөлөн гурван жил үргэлжилжээ.
Хүмүүс өлсөж харангадаж байсан ч
хуурамч бурхан Баалд мөргөсөөр л байв.




Баал яагаад
биднийг сонсож
бороо оруулахгүй
байна аа.

Баал чих
муутай бурхан юм
байлгүй дээ. Чихгүй л
юм шиг байна даа.

Иезебел, Ахав нар өлсгөлөн болсонд
Елиаг буруутгаж байв. Тэд Елиаг
бариулахаар цэргүүдийг улс даяараа тэр
ч бүү хэл зэргэлдээх улс орнуудаар ч
явуулжээ. Тэд түүнийг тааралдсан газраа
шууд ал гэж тушааж байв.



Елиаг нааш нь
гаргаад ир Та нар
түүнийг нууж
байгаа бол цуг
алагдана шүү.



Ахаб аа чи
намайг хайгаад
байна уу?

Чи Израилийг
өлсгөлөнгөөр
зовоогоод байгаа
хүн мөн үү?

Чи өөрөө л хуурамч
шүтээнүүдээрээ
Израилийг зовоож байгаа
хүн дээ. Тэгвэл Иавэ, Баал
хоёрын дунд нэг тэмцээн
зарлачихъя л даа. 850 эш
үзүүлэгчээ аваад Кармел
уулан дээр хүрээд ир.

Юу гэнэ ээ. Тэмцээн
гэв үү. Сонирхолтой л
юм байна. За тэгвэл тэнд
чинь уулзъя.




Хэдэн өдрийн дараа
Кармел уулан дээр.

Та нар хэр удаан хоёр санаатай явах юм бэ? Зөвхөн ганц л Бурхан байгаа. Хэрвээ Иавэ Бурхан юм бол ганцхан Түүнийг л хүндэл. Харин Баал бурхан юм бол тэрэндээ мөргө. Та нар одоо шийд.

Баалын эш үзүүлэгч та нарыг би тэмцээнд уриалж байна. Хэн нь жинхэнэ Бурхан болохыг харцгаая.

Тэгье. Бурхдын хоорондох тэмцээн. Бид нар яах ёстой вэ?




Та нар
Баалдаа залбир.
Би Иавэд залбирна.
Тахилын ширээ уруу
гал явуулсан Бурхан
нь жинхэнэ Бурхан
болж бид нар зөвхөн
түүнийг л дээдэлнэ.
Та нар нэгэнт надаас
олуулаа тул та нар
эхэл.

Та нар Баалдаа тахилын
ширээ өр. Би ч Иавэд нэгийг засъя.
Бүгдээрээ ширээн дээр мод тавиад
өргөх тахилаа дээр нь тавина. Гэхдээ
дор нь гал асаахгүй шүү.




Ээ Баал минь,
өнөөдөр биднийгээ
сонсооч. Бид таны
агуу нэрд энэ тахилыг
зориулж байна.




Ээ агуу
сүр жавхланта Баал
эзэн минь ээ.

Тэнгэрийн
Хатан минь,
өнөөдөр ирж
Баалд туслаач.



Баал бурхан юм бол тэр чинь та нарыг анхаарахгүй л байна даа. Цаадах чинь яриад та нарыг дуулахгүй байгаа юм болов уу. Эсвэл нэг тийшээ юманд явчихсан байх. Аль эсвэл унтаж байгаа байх шүү.

Чи муу
заваан гахай. Чи бид
нараас дээрдэхгүй.



За яг шүү! Унтчихсан
байна. Та нар дахиад
жаахан чанга хашхираад
сэрээгээч.

Бууж өгөхгүй шүү
эрчүүд ээ. Ерөөсөө
бүгдээрээ биеэ огтолцгоё.
Баалд таалагдаж магадгүй.

Баалын эш үзүүлэгчид бүр
цөхрөнгөө бараад өөрсдийгөө
газар шидэн, биеэ зүсэн
огтолж, Баалдаа сонсгох гэж
орилж хашхирч байлаа.


Аааааааа!

Иийй

Би цусаа
танд өргөж байна.
Баал аа биднийгээ
сонсооч! Гал явуулаач!
Нэрээ хамгаалаач!

Яаааиий





Ха, ха! Та нар өөрсдийгөө
хараач! Та нар есөн цагийн турш ямар
ч хариу өгөхгүй байгаа бурхныг дуудаж
хашхирлаа. Хэрвээ тэр чинь үнэхээр л
бурхан байсан юм бол энэ завшааныг
ашиглаад батлах л байлаа шүү дээ.

Одоо миний ээлж.
Наашаа ирээд миний
юу хийхийг ойрхноос хар.

Баал аа, та
яагаад хариу
өгөхгүй байгаа
юм бэ?




Энэ одоо
яагаад ийм
гүнзгий нүх
ухаад байгаа
юм бэ?

Зүгээр л
харанхуй болохыг
хүлээж аргалах гэж
байгаа юм.

Чи хэзээ
залбирч эхлэх
гээд байгаа
юм бэ? Энэ
чинь нүх ухах
тэмцээн биш
шүү!

Яваад дөрвөн
боошиг ус авчраад
өргөл, мод хоёр
дээр асгаад орхи.


Ус аа?
Норгочихвол
асахгүй шүү
дээ.



Энэ эш
үзүүлэгч ёстой
солиотой байх аа.
Энэ хүн хэзээ ч нар
жаргахыг үзэхгүй
юм байна.

Хангалттай
биш байна.
Дахиад дөрвөн
боошиг ус
хийчих.

Нээрээ
ухаанаа алдчихсан
юм биш биз дээ?
Хаан ийм хүнийг яаж
тэвчдэг байна аа?

A comic book panel depicting a scene of confrontation. On the left, an elderly man with long, wavy white hair and a full white beard is shown in profile, wearing a red robe. He has his hands pressed together in a gesture of pleading or prayer. In the center, a bald man with a dark beard and a stern, angry expression is shirtless. To his right, another man with a beard and a similar angry expression is also shirtless. In the background, a third man with a shaved head and a beard is visible. The background is a simple, stylized outdoor setting with a yellowish sky and dark, gnarled tree branches. Two speech bubbles are present: one at the top right and one at the bottom right.

Ха Ха. Амьд Бурханд дэндүү хэцүү юм гэж байна уу? Дахиад дөрвөн боошиг ус хий. Та нар Израильд Бурхан байдгийг харах болно. Гэхдээ харин Баал гэдэггүй юм шүү.

Ахаб энэнийх нь төлөө толгойг нь авна даа.



Хойшоо
болцгоо.

Хойшоо.

Арагшаа
ухарцгаа.



Иавэ, Абрахам, Исаак, Иаковын
Бурхан өнөөдөр Та өөрийгөө ганц үнэн
Бурхан гэдгийг, бас намайг өөрийнхөө
зарц гэдгийг, мөн Та тэдний зүрхийг өөр
уруугаа эргүүлсэн гэдгийг мэдүүлээд
өгөөч.




ААААААА!

ТАР НЯР!

XXXXXXXXXX

ИЙЙЙ!




Абрахамын
Бурхаан!

Хуйхалагдмаар
халуун байна
шүү!

Тэнгэрийн
гал!

Туслаач!



Абрахам,
Исаакийн Бурхан
галаар хариу өгч
байна.


Бүр чулуу
шороог хүртэл
шатаачихсан
байна!

Ямар ч
хэлбэр дүрсгүй
мөртөө ийм
юм хийж чаддаг
ямар гээчийн
бурхан бэ?



Өршөөгөөч!

Мосе бидэнд зөвхөн Иавэ
Бурханыг л хүндлэн дээдлэх
ёстой гэж тушаасан биз дээ. Өөр
бурханд шүтэн мөргөвөл
Израилийн ямар аавын хүү байх
нь хамаагүй үхлийн ял авна гэж
Мосе тушаасан юм.



Тэднийг
ал! Найман зуун
тавиуланг нь ал!

Бид нар
мэдээгүй
шүү дээ.

Бүгдийг
нь яг одоо
илдээр устга!

Баалын эш үзүүлэгчид
бүгд алагдав.

Хаан та ууж, идчихээд гэр
өөд яаравчил. Би их хурын
чимээ сонсож байна.




Гурван жил хагасын өмнө Елиа Ахабд өөрийг нь дахин тушаахаас нааш Израильд бороо орохгүй гэж хэлсэн юм. Баалын эш үзүүлэгчдийг устгаад, хүмүүс жинхэнэ Бурханыг дахин хүндлэн дээдлэх болж Елиа ч бороо орохыг тушаажээ.



Их бороо голуудыг үерлүүлж хүмүүсийн харих замд саад болж болзошгүй байсан тул тэд гэр уруугаа яаравчлах хэрэгтэй байлаа.

Елиад Бурхан хүч өгсөн тул сүйх тэрэгний өмнө орон хорин бээрийн газар дахь хааны ордон уруу гүйжээ.



За, чи
Елиаг цааш нь
харуулсан биз
дээ? Баал бороо
оруулахыг би
харж байна.

Үгүй ээ
хонгор минь. Елиа
гадаа байгаа. Кармел
уулаас манай сүйх
тэрэгний өмнө орж
гүйсээр байгаад
хүрээд ирсэн.

Ёстой хөгийн юм.
Ямар ч хүн сүйх тэрэгний өмнө
ороод тийм хол гүйж чадахгүй шүү
дээ. Баалын тахилчид хаа байна?
Орох бороог бүгдээрээ тэмдэглэх
юм биш үү?




Би бүгдийг
нь алуулчихсан.
Тэд нэр чинь худалч,
хууран мэхлэгчид
байсан байна лээ
шүү.



Юу, яасан гэнээ? Муу эргүү чинь! Чи тэр Елиаг л алах ёстой байсан юм биш үү?

Гэхдээ тэрний Бурхан
л галаар хариулсан шүү
дээ. Тэр жинхэнэ гайхамшиг
байсан. Манай тахилч нар
ямар ч хүчгүй юм байна лээ.
Хүмүүс бүгдээрээ Иавэ уруу
эргэчихсэн.





Гэхдээ
хайрт минь, би
өөр яах байсан
юм бэ? Би

Чи
миний тахилч
нарыг алчихсан
байна.

Муу тэнэг!




Баалын хилэнгээс
Елиаг ямар ч гайхамшиг
хамгаалахгүй ээ.

Хэрвээ би энэнийх
нь төлөө Елиаг алж
чадахгүй юм бол бурхад
надад ч адилхан бүр
тэрнээс ч дор юм хийх
болтугай.

Би
зугтаахгүй бол
болохгүй нь.



Елиа Бурханд найдахыг
мартаад өөрөө өөрийнхөө
амийг аврахаар зугтаажээ.




Өө Бурхан минь, би
хэр чадлаараа л хичээлээ.
Иезебел намайг олохоос өмнө
одоо намайг үхүүлээч.

Би өөрөөсөө ичиж байна.
Танд найдаж чадсангүй. Би нүгэлт
өвөг дээдсээсээ ямар ч дээрдэх
юмгүй хүн. Зүгээр л намайг
үхүүлчих.




Елиа дөчин өдрийн турш
цөлд агуйд нуугджээ. Тэрээр
Мосегийн арван тушаалыг
хүлээн авсан Синай уулан
дээр иржээ. Тэнд Бурхан
түүнтэй ярьсан юм.



Елиа чи наанаа
юу хийж байгаа
юм бэ?

Надаас
бусаднь Таны
хуулиудыг мартчихсан.
Таны бүх эш үзүүлэгчид
алагдчихлаа. Би л
ганцаараа үлдээд Таныг
хүндлэн дээдэлж байна.
Тэд миний амийг нэхэн
хөөж байна.

Уулан дээр
Эзэний өмнө
очиж зогс.



Елиаг Эзэний өмнө
босож зогсоход хүчит
салхи салхилсан
боловч Бурхан тэр
салхин дотор байсангүй.

Дараа нь газар
хөдлөхөд ч Бурхан бас
л тэр дунд байсангүй.

Эцэст нь тэнгэрээс
гал буужээ. Гал дунд
ч Бурхан байсангүй.

Дээрх зүйлүүд бол Бурхан өөрийгөө
Иезебелтэй зүйрлэхээргүй аймаар шүү
гэж Елиад үзүүлэх гэсэн хэрэг байлаа.


Салхи, газар хөдлөлт зогсож гал унтрахад Елиа Бурханыг аядуу, намуухан хоолойгоор ярихыг сонсов. Дахиад л Елиагаас өмнө нь асуусан асуултаа асуув:

Елиа чи наанаа юу хийж байгаа юм бэ?

Елиа юу ч сурсангүй. Өөрийгөө өрөвдсөн хэвээр байсан тул өмнөхөөрөө л бас хариулжээ.

Бүгдээрээ л надаас бусад нь Таны хуулиудыг мартчихсан шүү дээ. Бүх эш үзүүлэгч алагдчихсан. Би л ганцаараа үлдэж Таныг хүндлэн дээдэлж байна, тэд миний амийг нэхэж байна.





За тийм байж. Чи ингэж бодож байгаа бол явж очоод Елишаг өөрийнхөө оронд миний эш үзүүлэгч болгон тосло.

Чи л мэдэхгүй байгаа болохоос биш Израильд 7,000 хүн Баалын хөшөөнд мөргөөгүй, хөлийг нь үнсээгүй байгаа шүү. Одоо өөрийнхөө замаар яв. Ахабын гэрийнхэн бүгд үхэх гэж байна.



Елиа Елишаг үхэр
хөллөн газар
хагалаж байхтай
тааралдаж, түүнийг
тослон эш үзүүлэгч
болгожээ.

Эзэн чамайг
өөрийнхөө эш
үзүүлэгч болно гэж
хэллээ.

Би үхрүүдээ
Эзэнд тахил болгон
өргөчихөөд таныг
шууд дагая.

Ахабын ордны яг хажууд
Наботын усан үзмийн
талбай байдаг байв.
Ахаб талбайн сайхныг
байнга цонхоороо
алмайран харж өөрийнх
нь байсан ч болоосой
гэж шунахайран боддог
байжээ. Ингэж бодох
тусам тэр талбайг авах
гэсэн шунал нь улам
бадардаг байлаа. Хуульд
"Чи шунаж болохгүй" гэж
хэлсэн байдаг ч Ахаб
Иавэг ер тоогоогүй юм.



Ахаб их мөнгөтэй байсан тул мөнөөх талбайг худалдан авахаар шийджээ.


Усан үзмийн талбайгаа надад зарчих. Энэ чинь яг манай гэрийн хажууд ч юм байна. Би чамд өөр газар наадхаас чинь илүү дээрийг олоод өгье.

Бурхан ийм юмыг зөвшөөрдөггүй юм.



Энэ талбай манай удмын
өвөг дээдсийн эзэмшилд 500
гаруй жил болж байгаа юм.
Хуульд гэр бүлийнхээ эзэмшлийг
өөр бүлийн хүнд зарж болохгүй
гэж тушаасан байдаг биз дээ.





Хайрт минь
надад хэлээч. Чи
яагаад юу ч идэхгүй
байгаа юм бэ? Яагаад
ингээд гуниглаад
байгаа юм?

Набот
надад үзмийн
талбайгаа
зарахгүй гээд
байгаа юм аа.




Чи чинь хаан
биз дээ. Чамд өөртөө
таалагдах бүхнийг хийх
эрх мэдэл бий. Чи аз жаргалынхаа
замд нэг муу дорд цэцэрлэгч
хөндөлд хийг бүү зөвшөөр.
Би тэр талбайг чинь
чамд авч өгнө.



Ажлаа дуусахаар
чинь нэмж төлнө өө.
Одоо амаа хамхи.
Тэгэхгүй бол нэмж
өгөхгүй шүү.

Мосегийн хуульд: “Чи хөршийнхөө эсрэг хуурамч мэдүүлэг өгч болохгүй” гэж хэлсэн байдаг.





Тэнд
байна. Тэр
мөн байна.

Тийм.
Тэр этгээд
хааныг үхэх
ёстой гэж
байсан.

Бас тэгээд
Бурхан хааныг
эзэмдүүлэхээр
чөтгөр явуулсан
гэж хэлсэн.

Тэгвэл
тэр үхэх ёстой
юм байна


Тэд Наботыг авч
яваад алжээ.




Хайрт минь,
тэрийг хараач.
Одоо чи үзмийн
талбайгаа ав даа. Энэ
хорвоо дээр чинь харгис
хатуу л байхгүй бол
урагшаа ахихгүй шүү.
Хүчтэй нь үлддэг
юм.

Хачин сайхан
байгаа биз. Би
л энийг эзэмших
хувьтай юм чинь.

Иезебел өөрийнхөө бурхан Баалыг харах нүдгүй гэж мэддэг байлаа. Харин тэнгэрт байдаг Бурхан бол хүний бүх үйлдлийг харж чаддаг бөгөөд харснаа хэзээ ч мартдаггүй юм.




Елиа, Ахаб
Наботын усан
үзмийн талбайг
авахаар явлаа. Явж
очоод түүнтэй тэнд
уулз. Миний үгийг
дамжуул.




Ахаб аа, Бурхан
надад чамайг гэмгүй
хүнийг алж эд хөрөнгийг нь
авлаа гэж хэлж байна. Үүний
чинь төлөө, бас бусад бүх гэм
нүглийн чинь төлөө Наботын
цусыг ноход долоосон газар
чиний ч цусыг бас долоох
болно доо.

Миний дайсан
намайг олоод
ирэв үү?




Чи
Бурханаас
нуугдаж
чадахгүй.
Чи сүнсээ эд
хөрөнгөөр
сольсон хойно
Бурхан чиний
гэр дээр бузар
мууг авчрах
болно.

Чи Бурханы уурыг
хүргэжээ. Ноход
Иезебелийг гэрийн
чинь хананы дэргэд
иднэ. Танайхнаас хотод
үхэгсэд нь нохдын хоол
болж, хээр үхэгсэд нь
шувуудын хоол болно.
Хэн ч хүндэтгэлтэйгээр
оршуулагдахгүй.




Энэ бол
Эзэний үг.
Тиймд бүгд
биелэгдэх
болно.

Болиоч гуйя.
Би Иавэд тахил
өргөж эхэлье.



Елиагийн
хэлсэн болгон
биелэгдэнэ дээ.


Ахаб Иавэд өргөл
өргөж эхэлсэн ч
цэвэр сэтгэлээр
Түүнийг дагаагүй юм.



Хэсэг хугацааны дараа
хуурамч эш үзүүлэгчид
Ахабыг дайнд явахыг
зөвлөжээ.

Явж Рамот-
Гилеадад тулалд.
Бурхан танд
ялалтыг өгнө.

Эш үзүүлэгчид
бүгд зөвшөөрч
байгаа юу?



Ахаб Хаантаан, Иавэ надтай ярьсан.
Таныг Рамот Гилеадад очоод тулалдаанд
алагдана гэсэн.

Микаиаг
тоох хэрэггүй ээ. Энэ
л ганцаараа Иавэгийн
эш үзүүлэгч биш. 400 эш
үзүүлэгч бид бүгдээрээ
таныг Рамот-Гилиадаас
олз омог ихтэй ирнэ гээд
байгааг болгоогтун.

Би Микаиаг
үзэн яддаг. Тэр дандаа эсрэг
юм ярьж байдаг юм.


Ахаб хаан, та Бурханы
нүдэнд бузар мууг үйлдсэн. Та мөнгө авч
үйлчилдэг хуурамч эш үзүүлэгчидтэй
зөвлөлдөж байна. Тэд худал
хуурмагийг зааж сургадаг.



Би Бурханыг сэнтийдээ залран, тэнгэрийн бүх элч нар Түүнийг хүрээлэн байхыг харсан. Бурхан "Нэгэнтээ Елиа, Ахадд үхнэ гээд хэлчихсэн болохоор янз бүрийн аюул ослоос хол байх гэж ихэд хичээж байна. Түүнийг тулаанд явуулахаар ятгах хэрэгтэй байна. Хэн Ахабыг Рамот-Гидеадад алуулахын тулд тулаанд явуулахаар ятгах вэ?" гэж асуув.


Нэг нь нэг юм хэлэхэд нөгөөдөх нь өөр юм санал болгож байв. Ярилцсаны эцэст нэг тэнгэр элч урагш алхаад ингэж хэлсэн:






Хэрэгжүүлчихэж
болохоор нэг санал
надад байна. Би доошоо
бууж очоод бүх хуурамч
эш үзүүлэгчдийн аманд
худалч сүнс болоод
орчихъё. Би тэдэнд Ахаб
тулаанд явах ёстой
гээд хэлчихнэ.

Наадах чинь сайн
санал байна. Тэд нар Ахабд
тулалдаанаас ялалт авчирна гэж
зөгнөнө. Гэхдээ харин тэрнийг
тулааны талбарт очингуут нь би
алуулчихъя. За яв!




Чи
Иавэгийн сүнс
намайг орхиод, харин
чамтай ярьсан гэж
бодоод байгаа юм уу?

ТАСИ!




Дотор өрөөнд
орж амиа хамгаалахаар
нуугдахдаа чи хэнд нь
Иавэгийн сүнс байгааг
мэднэ дээ.

Энэ чинь юу
вэ? Дахин нэг эш
үзүүллэг үү? Ха!



Наадхыгаа шоронд хориод
намайг тулаанаас буцаж иртэл
үхүүлчихэлгүй зэлмүүр төдий
байлгаж бай. Ирээд бодийг
нь хөтөлье.

Хэрвээ та тулаанаас
амьд эргэж ирдэг юм
бол би хуурамч эш
үзүүлэгч болж үхвэл
зохино.




Та өөрийгөө
жирийн цэрэг хүн
болгон хувиргана
гэдэг чинь сайн санаа
байлаа шүү. Тэд таныг
хаан гэж ер
мэдэхгүй. Манайхан ч
сайн тулалдаж байна.
Таныг эргээд очихоор
нөгөө эш үзүүлэгчийн
царай ямар харагдах
бол гэхээс тэсэж
ядан байна шүү
би.

Тийм ээ. Энэ
хуяг намайг ямар ч
сумнаас хамгаална
даа.


Дайсны нэгэн цэрэг хэнийг ч
ониллолгүйгээр дайснаасаа нэгийг онож
магад гээд сумаа хөвчилж байгаад
агаарт өндөр гэгч нь харваж орхив.












ПАД!


Юу?

Аааа!



Түргэлээрэй.
Цус их алдаж
байна.

Тэсээрэй!



Хаан
үхсэнд би
их харамсаж
байна.

Сум хуягаар
хамгаалагдаагүй
ганцхан цэгийг олоод
оночихсон байгаа юм даа.
Үхэх цаг нь л үнэхээр
болсон байж дээ.

Өө
бурхан минь,
үгүй байлгүй
дээ!

Бид нарыг
буцан ирж зохих
ёсоор оршуултал
шарилыг нь Наботын
талбайд тавьчих.






Елиагийн хэлсэн ёсоор Ахабын цусыг Иезабелийн цонхны дор ноход долоож байв. Тэрээр гэрийнхнээсээ алагдсан нь анхных байсан бөгөөд бусад нь түүний араас алагдсан юм.

Ахабын сүйх тэрэгний цусыг угааж
дуусаад цэрэг ордонд орж ирэв.

Ахаб хаан хаа
байна? Ялалтаа
тэмдэглэж
байна уу?




A comic book illustration showing two characters. On the left, a man in a white helmet with a plume and a white tunic is looking towards the right. On the right, a bearded man with a white beard and mustache, wearing a green robe with gold jewelry, is gesturing with his hand. The background is dark with some yellow highlights.

Муу тэнэг! Чи Бурханы эш
үзүүлэгч биш байна. Чи бол
худалч! Иавэгийн эш үзүүлэгч
Микаиагийн хэлснээр Ахаб
үхсэн.

Тийм байж
таарахгүй ээ. Бүх
сайн эрчүүд санал нэг
байсан юм даа. Ахаб
ялах л ёстой.

Бүгд биш ээ. Чиний
алгадаад шоронд хийсэн Микаиа
тэгж хэлээгүй шүү. Хүмүүс энийг
дуулаад чиний толгойг авна даа.



Чи одоо
явж болно.
Ахаб үхсэн

Би мэдэж байсан юм
аа. Бурханы хэлснээр ямар ч
эргэлзээгүй ноход цусыг нь долоосон
биз дээ. Иезебел дараагийнх нь тэгээд
Ахабын гэсэн болгон тийм болно.
Бурхан тэгж хэлсэн юм.



Би нуугдахгүй
бол горьгүй нь.

Өө яана аа! Микаиа
хэнд нь Бурханы Сүнс байгааг
нуугдахаар дотор өрөөнд орохдоо
мэдэх болно гэсэн шүү дээ.



Ахабын хөвгүүд түүний оронд хаанчилж Иезебел хатан чигээрээ арван хоёр жил болно. Израиль ч хуурамч бурхдад мөргөсөн хэвээр Бурханы тушаалуудыг зөрчих юм.



Бурхан Ахабын гэрийн эсрэг ингэж хэлсэн юм. "Цаг нь болжээ. Ахабын гэрийн хүн бүр жаахан хүүхэд хүртэл алагдана. Хэн ч амьд үлдэхгүй. Иезебелийг ноход иднэ. Тэрний хойноос хэн ч гашуудахгүй, хэн ч оршуулахгүй."

Арван хоёр
жилийн дараа

Нүүрээ будъя,
тэгвэл Иехү жанжныг
тулаанаас ирэхэд тэрэнд
аятайхан харагдах
байх.



Энд
зогсож байя.
Тэд Намайг одоо
ч захирч байгаа
юм байна гэж
ойлгог.



Хэн
миний талд
байна?



A comic book panel depicting three characters in an interior setting. On the left, a woman with dark hair and a yellow headband looks towards the center. In the middle, a woman in a purple and gold outfit with a large gold necklace looks to the right. On the right, a man in a purple robe and yellow headband looks forward with a serious expression, his hand raised. A large white pillar is visible in the background. Three speech bubbles contain Mongolian text.

Бид
таны талд,
жанжаан.

Тэгвэл
Иезебелийг
доош чулууд.

Та нар тэгж
болохгүй. Би
бол хатан.



ท้ยยย!



Үхдэлийг
наанаа орхи.

Бурханы эш үзүүлэгчийн хэлснээр нөхрийнх нь цусыг долоосон яг тэр газар ноход Иезебелийн хүүрийг идэж цусыг нь долоожээ.





Ноход хүртэл маш их нүгэл үйлдсэн
бузар гарыг идсэнгүй орхив.

Эш үзүүлэгчийн
хэлснээр Ахабын
гэрийн бүх хүүхэд
нэг нь ч үлдэлгүй
хотынхонд
алагджээ


Хээр алагдагсад нь махчин шувуудад
идэгдэж хотод алагдагсад нь нохдын
идэш болов Оршуулах юу ч үлдсэнгүй.
Үнэхээр нүглийн төлөөс бол үхэл мөн.

Елиаг залбирахад эш
үзүүлэгч залуучууд
Елишад мэдээ
хүргэхээр иржээ.




Бурхан хэдэн эш
үзүүлэгч залуутай ярьсан
байна. Өнөөдөр чиний эзэн
Елиа тэнгэр өөд аваачигдах
гэж байгааг чи мэдсэн үү?

Тэгсэн. Бурхан бас
надад хэлсэн. Гэхдээ
чимээгүй бай. Дахиад
хэнд ч битгий хэлээрэй.



Елиша чи
энд үлд. Би Иерихо
уруу явах хэрэгтэй
байна.

Бурханы амьд буй
цагт би таныг өөрийнхөө
хараанаас салгахгүй. Би
таны явах газар явна.




Өнөөдөр чиний эзэн
Елиа тэнгэр өөд аваачигдах
гэж байгааг мэдсэн үү?

Тийм ээ, би мэднэ.
Одоо бид нарт битгий төвөг
болоод бай. Өөртөө л хадгал.
Би түүнийг хараанаасаа алдаж
болохгүй.



Чи энд Иериход
үлд. Би Иордан гол
тийш явах хэрэгтэй
байна.

Бурханы амьд буй
цагт, мөн таныг амьд буй
цагт би танаас холдохгүй.



Тэр эш
үзүүлэгч залуус
чи бид хоёрыг
дахиад дагаад
эхэллээ.

Хоёулаа
голыг яаж гатлах
юм бэ? Өнөөдөр
нэлээн нэмсэн
байна.

Хуурай
газраар.




XXXXX!

Аа!

Чи тэрийг харав уу? Ус хажуу тийш босоод тэр хоёр гарч байна.




Тийм ээ. Яг Мосе шиг.



Би ийм юм харахын тулд юугаа ч өгөхөд бэлэн байх байсан.




Баалын эш үзүүлэгчид энийг харсан ч болоосой.



Салахаасаа
өмнө чи надаар юу
хийлгэмээр байна?

Чи хэцүү
юм асууж байна.
Гэхдээ намайг тэнгэр
өөд авагдахыг харж
чадвал хэлснээр
чинь болно.

Бурханы
Сүнсийг надад
өөртөө байснаас
хоёр дахин илүү
өгөөч.



Бурханы
сүйх тэрэг!

Бас хуй
салхи!

ХУРРРРРР

Галт сүйх тэрэг Елиаг
Елишагаас салгав.






Елиа хуй салхиар
тэнгэр өөд авагдав.


Тэгээд бүгд нам жим
болов. Елиа одоо
Бурханы оршихуйд оржээ.

Үлдсэн юм нь
түүний нөмрөг л байх
шив дээ. Энүүгээр тэр
усыг хоёр хуваасан юм
шүү дээ.



A comic book illustration of a man with a beard and a bald head, wearing a brown tunic and a blue shawl with fringes. He is holding a red cloth aloft with both hands. In the background, a group of people in blue robes stands on a grassy bank near a river. The scene is set in a mountainous landscape with a blue sky.


Елиагийн
Бурхан хаа
байна?



Елиагийн сүнс
Елишагийн дээр
байна!

ВУУТТ!

Хөөх, энэ
чинь ёстой
ер бусын өдөр
байна даа!



Елиша Елиагийн хийснээс хоёр дахин илүү гайхамшгийг үйлдэж, Бурханы өмнө итгэмжтэй амьдарч байлаа. Гэсэн хэдий ч хүмүүс хуурамч шүтээн мөргөлөөсөө бүрмөсөн эргээгүй юм.

Елиа
хаашаа явсан
юм бэ?

Явж олох
хэрэгтэй!

Ямар ч
хэрэг байхгүй.
Тэнгэр өөд
явчихсан юм
чинь.



<https://goodandevilbook.com/>